



आय कूं हेय का
राजा
माहाटी मोए ?

वाटसन गुडमन टोळो कोअला

फुकटमाय-वेचाता देवा नाय

देवा वोचेन

तो वोचेन मां डोंगाहा हाटी दिवो एन मा मारगावोय
उजवाडां हेय. — गीत ११९ : १०५

जूग एन दोरती डोळी जाय, पेन मां वोचने कोंयदिही डोळ-
नारेंज नांय. — लूक २१ : ३३

माये तो विरूद पाप कोअवा नाय याहाटी मायें मां मोनामाय
तो वोचेन जोपी थोव्याहां. — गीत ११९ : ११

दोरेक देवा विचारेक्रोय तियार कोअलो शास्त्रालेख हारो बोद,
दोस देखाडनां, सुदारणा कोअनां, हारां वागनां सिकसाण याहाटी
उपयोगी हेय. — २ तिमथी ३ : १६

माअहं उबजाडनों देवा मोठो विचार

१

त्या जोलामजुगी वोवडी ओरी.

जेहेकोय वोवडो वोवडयेल देखीन खुशी ओअहे तेहेकोय देव
तुल देखीन खुशी ओरी. — येशयो ६२ : ५

वोवडी ज्या हेय तोज वोवडो हेय एन उबो रोईन जो त्या
बोलना वोनायेहे तो वोवडा दोस्त हेय.

त्याल वोवडा बोलनेकोय मोठो खुशी ओअहे तेहेकोय ई मा
खुशी पुरी जायीही. — योहान ३ : २९

तोवे होरगा राज दोहो कुवाऱ्येहे हारकों ओरी. त्यो आपे
दिवा लेयन वोवडाल मिळाहाटी आगाडी जा निग्यो.

तोवे आरदयेराती एहेकोय हात कोअया का; देखा, वोवडो
येनोहो, त्याल मिळा चाला. — मोताय २५ : १, ६

२ देवे त्या रूपाहारका माअहाल उबजाडना कारण ईज हेय

देवे त्या रूपाहारकों माअहू उबजाडया देवा रूप एहेकोय ती उबजाडयां. ओदमी एन थेए एहेकोय त्येय त्याहाल उबजाडये.

— उत्पाती १ : २७

आपा त्या हुंबूर चोखा दोशवोगार रोववां, याहाटी दुन्या उबजाडा आगला ख्रिस्तामाय आपाहाल निवडी लेदाहा.

— इफीस १ : ४

निवाडला देवा बागिदार

ज्ये तुमाहाल उजवाडामाने चोखा लोकाहा वोतना बागिदार ओरा हारका ओअया.

— कलसै १ : १२

आय देवा कुळयो हेय

३

काहाका आपा देवा कुळामान्या हेय, याहाटी माअहा ओकलेकोय एन मोनेकोय उजबाडला होना, रुपा नायते दोगडा याहापाने बोनाडल्यो मुरत्यो हारको देव हेय, एहेकोय आपाहाय मानवा नाय.

— प्रेशीत १७ : २९

ती ओला का वादळेकोय याजकाहाल सेवा कोरा उबां रोतां येय नाय काहाका पोरमेहेरा उजाळे कोय पोगमेहेहा मोंदीर बोआय गोयला आता.

— १ राजा ८ : ११

तोवे त्याहा हुबूर त्या रूप बोदलाया एन मुय दिहा हारका चोमका लाग्या एन त्या फाडके उजाळा हारके उजळे जाये.

— मोताय १७ : २

काहाका एहेकोय लिखला हेय का, तुमा चोखा ओआ काहाका
आय चोखो हेय. - १ पेत्र १ : १६

काहाका जेहेकोय योके माअहे उकूम तोडयावोय खूब लोक
पापी जाया तेहेकोय या योका माअहा उकूम पाळनावोय खूब लोक
सोती कोअवामाय येना - रोम ५ : १९

काहाका बादाहाय पाप कोअयाहा एन त्ये देवा मोठे पोणापाने
दूर रोयेहे. - रोम ३ : २३

मोन बादाहा कोअता दोगो देनारा हेय ती खाराब रोगेकोय
बोराला हेय. त्या फोराककाल होमजायी ? - यिर्मया १७ : ९

आमे देवा आरे काय नाता ?

५

खाराब वासनेमाय पोडलो पापी.

आमा बादे तर विटाळला हारके जायले हेजे. आमे बादे दोरमा कामे विटाळा फाडका हारके जायले हेते.

एन आमा बादे पाना हारके उखाय जाजेहे. एन आमे पापे वारा हारके आमाहाल उडवी लेय जातेहे. — येशया ६४ : ६

पेन तुमे पापाहाय एन तुमे देवा विसमाय येयन तुमाहाल त्यापाने जुदा कोअला हेय. — येशयो ५९ : २

यावोने आपाहामाने योक योक जाआ आपे सोता बोदाल इसाब देवाल दी. — रोम १४ : १२

आय मोहामाय पोडनारो काढू (माटडा) बाथडा, एन वाफे हारको हेय.

पेन आमी, ओ पोरमेहेरा, तूं आमे आबोहो हेय, आमा काढू (माटडा) एन तूं आमे कुंबार एन आमा बादा तो आध्यां काम हेजे.
— येशयो ६४ : ८

काहाका बादी मानवा जात बाथडा हारकी हेय. एन त्ये बादी मोठे पोणा बाथडा फुला हारकी हेय.

बाथडा उखायेहे एन त्या फुल टुटी पोडहे. — १ पेत्रो १ : २४
त्या तुमाहाल हाकाळी गोठ होमजाज नाय. काहाका तुमे उंबर क य हेय ? तुमा ते वाफ हेय ती थोडी वेळ देखायेहे एन पासे देखाये नाय.
— याकोब ४ : १४

तूं आपे मालेक ईसू ख्रिस्त तो जो बोरकादार एन योकूज ओदिकारी जो राजाहा राजा मालकाहा मालक. ओ मोए नाय जो खूब तेजदार उजवाळामाय रोहे ज्याल कादे माअहे एअयाहा नाय एन कादाल बी एअता येनारा नाय. त्याल मानपान एन जोलाजुगी गोती हेय. आमेन.

— तिमथी ६ : १४, १५, १६

ओ राजा आख्ये खोंडये दोरत्येवोय राजा ओरी

एन पोरमेहेर बादये दोरत्येवोय राजा ओरी. त्या दिहाहामाय पोरमेहेर योकूज एन त्या नाव योकूज ओरी. — जखन्यो १४ : ९

८ ईसू ख्रिस्त राज ओदिकार देखाडेहे

पेन तो ठावकोज रोयो. त्येय कायज जाबाव देनो नाय पासे मोठे याजके त्याल होदयां, बोरकातदार देवा पोहो तो तूज हेय का ? ईसूय आख्या, आय हेय एन तुमा आअहा पोहाल खूब मोतीवाळा देवा ज्येवे बाजू ओदिकाय जागावोय बोठ लो एन जुगामाने वादळा आरे येतो त्याल देखाहा. — मारको १४ : ६१, ६२

पेन तोवे माअहा पोहाल त्या मोठेपणाकोय एन त्या आरे चोखा देवदूत याहा आरे यो ? त्या मोठेपणा राजगादयेवोय तो बोहोरी. पासे तो राजा त्या जेवे बाजू याहाल आखी ओ मा आबा बोरकातदाराहाय या जी राज दुन्या सुरवात्येपाने तुमेहाटी तियार कोअला हेय तो वोतान कोई ला.

—मोताय २५ : ३१, ३४

पेन पोहा बोदाल तो आखेहे, ओ देवा तो राजगादी जोलामजुगी हेह. एन तो राजा राजओदिकार सोतीपोणा राजओदिकार हेय. - इब्री १ : ८

आमी आय नेबखदनेसर (राजा) होख्या राजा स्तुती कोअहु मोठो माबुहु एन त्याल मानपान दाहु त्या बादे कामें खोरे एन त्या माराग न्याया, पादरा (नीट) हेता. एन ज्या बोडायेकोय चालताहा त्याहाल एठा पाडा तो गोतिवान हेय. - दानिएल ४ : ३७

... .. या दुन्याराज आमे मालका एन त्या ख्रिस्ता जायला हेय. एन तो जोलामजुग राज कोरी. - प्रगटी ११ : १५

ओ, ईसू होरगामाय गोयो एन देवाआबा जेवे बाजू बोठलो हेय. देवदूत, ओदिकार, गोती ई त्या ताबामाय हेय. - १ पेत्र ३ : २२

... .. देवे ख्रिस्ताल मोअलामाने उठाडोन होरगामाय त्या उजव्ये कान्ये मोठा माना जागे बोहोतो कोअयोहो त्य ई ठिकाण कोअहा बी राजा कोअता- ओदिकारा कोअता, उकमी राजा कोअता पुडाऱ्या कोअता खूब किमत्या एन बादाहाने उचा हेय.

.. ... त्या मोठेपोणा मानपान या काळामाय नायते येनारा काळामाय बी या पुरमाणे ओरी.

बादे ठिकाणे बादयो गोठी उबजाडनारा एन देनारा ख्रिस्तामाय जी पुरेपोणा बोराला हेय त्येकोय मोंडळी बोअलीं हेय. मोंडळी ईज ख्रिस्ता आंग हेय.

खूब दोनदौलात, गोती शिआणपोणा किंवा ओकाल ११

जो मेंडो माई टाकलो आतो तो गोती, दोनदौलात, ओकाल, ताकात, मानपान, मोठेपोणा, एन बोरकात ला लायक हेय.

- प्रगटी ५ : १२

ईसू पाही येयन त्याहा आरे बोल्यो; त्येम आख्या होरगामाय एन दोरत्येवाँय बादो ओदिकार मान देनलो हेय. - मोताय २८ : १८

... .. खूब गोतिवाळा मालक देवा, जो हेय, जो आतो एन जो येनारौ ओहोडा तो आभा उपस्कारल्लुती कोअजेहै काहाका तूं तो मोठी गोती आथामाय लेयन राजकोरा सुरवात कोअली हेय.

- प्रगटी ११ : १७

या दोऱ्यागने ते त्या दोऱ्याहुद्दु एन ते नोयेपाने ते दोरत्ये
सेवाटहुद्दु त्या ओदीकार रोय बादा राजा त्या पागे पोडी, बादा
देश त्या सेवा चाकरी कोरी. — गीत ७२ : ८, ११

तेबी पोरमेहेर खोरो देव हेय, तो जिवतो देव, जोलामजुग्यो
राजा हेय, त्या रोगेकोय दोरती थोतेरेहे; त्या रोगे आगला दोरत्ये
वोऱ्या देश टिके नाय. — थिर्मया १० : १०

ओ पोरमेहेरा तूल कूं बिनारो नाय ? तूल कूं मोठेपोणा
देनारो नाय ? काहाका तूज फोकात चोखां हेय. एन तो न्याया कामें
देखातेहे; त्याहाटी बादा देश येयन तो पागे पोडी. — प्रगटी १५ : ४

ईसू राजा मोठेपोणा

१३

आय पोरमेहेर हेय. ई मा नाव हेय. मा मानपान बिहीराल
लां देनारों नाय. मा स्तुती गोडल्ये मुरत्येल देनारो नाय.

— येशयो ४२ : ८

ओ मालका, आमे देवा, मोठेपोणा मानपान, गोती ई लाहाटी
तूज लायक हेय. काहाका तुये बादा उजबादला हेय एन तो
मोरज्येकोय ती जायाहा, एन उजबारामाय येनाहा. — प्रगटी ४ : ११

जोलामजुग्यो राजा, नाश नाय ओअनारो, नाय देखानारो
तोज योक ओकलवान देव याल मानपान जोलामजुग रोई. आमेन.

— १ तिमथी १ : १७

कारण आय एहेकोय मानूह का, जी आमहाल मोठेपोणा
मिळी त्या आगला या काळा दुखे कायज नाय हेय. — रोम ८ : १८

जो आपे उजबाडनारा आरे तक्रार कोअहे त्याल हाय हाय ओए.

तूं काल जोनमो देतोहो एहेकोय आबाहाल एन तूं काय जोन्मो देतीही एहेकोय आयेहेल आखेहे त्याल हाय हाय. पोरमेहेर इसराएला चोखो एन त्याल उजबाडनारो एहेकोय आखेहे आगला ओअना-यो गोठवेहे बोदाल मान होदा, मा पोहाहा बोदाल एन मा आथहा कामा बोदाल तुमा मान उकूम दा. दोरती माये उजबाडीही एन त्येवोय माअहू उजबारमाय येनहा. जूग मायेज म्हणजे मा आथाकोय फेलाव्याहा. एन त्या बादये चांदाल्ये टोकाहाल मायेज उकूम देनलो हेय. माये सोतीपोणेकोय त्याल उबो कोअलो हेय. त्या बादा माराग नीट कोअही.

मोठो राजा मायेहाटी मोअयो

१५

एआ आपा उचे येरुशलेमामाय जाजेहे एन माअहा पोहाल मोठो याजक एन शास्तरी याहा आथामाय दोई देबामाय यी एन त्या त्याल मोरणा शिकशा ठोरवी. त्या चेहेटा कोरा एन फोटका मारा. फासी खांबावोय ठार माराहाटी त्याल पारदेशी लोकाहा आथामाय दी. एन तिसरे दिही तो पासो उठाडलो जाय.

— मोताय २० : १८-१९

काहाका आपाहाल देगपाय लेय जाहा टी ईसू ख्रिस्ते आमे पापाहाहाटी म्हणजे सोतो माअहाय पापी माअहाहाटी योकदाच मोत सोस्या.

— १ पेत्र ३ : १८

आपेहाटी ख्रिस्ते त्या जीव ओरपाण कोअयो यावोने आपाहाल मोये वोळाख जायली हेय.

— १ योहान ३ : १६

ज्ये आमाहावोय मोया कोअहे एन
ज्येत्या लोये कोय आमाहाल सोडव्या

पेन ज्या तुमा पोयला देवापाने दूर आता त्या तुमा आमी
ख्रिस्त ईसू लोयेकोय पाही कोअला हेता. - इफीस २ : १३

आजू तूल हानापेणापाने पोवित्रशास्त्रा लेख मालूम हेय. ती
तूल ख्रिस्त ईसूमान्या बोरसो एन तारण मिळाहाटी ओकालवान
कोराहाटी गोतिवान हेय. - २ तिमथी ३ : १५

किंमती लोई एन किंमती तारणारो

माअहा पोहो ज्ये टाकाले त्ये होदाहाटी एन ताराहाटी योनलो
हेय. - लुक १९ : १०

बिहीरा मोरण एन आग्ये दोऱ्यो याहावोय जीत मिळवी

..... जो पाप कोअहे तो मोरी.

— येहेजकेल १८ : ४

पापा मोजरी मोत हेय

— रोम ६ : २३

जो जिवतो तो आय हेय. एन आय मोई गोयलो आतो तेरी
देखा आय जोलामजूग जिवतो हेय. एन मोअला लोकाहा एन मोता
कुच्यो माये पाय हेत्यो.

— प्रगटी १ : १८

१८ ज्या लोकाहाल मोनापाने तारण जोजे त्याहाल
ख्रिस्त राजा फुकाट तारण देहे

आय हारो मेंडे पाळनारो हेंय. जो हारो मेंडे पाळनारो तो त्या
जीव मेंडाहाहाटी देहे. — योहान १० : ११

त्या बोदाल बादा बोविश्यवादी पुरावो देताहा का, त्यावोय
बोरसो थोवनारा बादाहाल त्या नावे पापाहा माफी मिळी.
— प्रेशीत १० : ४३

तुमा मान होदाहा, जर तुमा पुरे मोनेकोय होदाहा तोवे तुमा
मान सापडाहा. — यिर्मया २९ : १३

... शास्त्रलेखा पुरमाने ख्रिस्त आमे पापा बोदाल मोई
गोयो. — १ कोरींथ १५ : ३

ज्ये पापी त्याहाल देवा राजा वोतेन मिळनारा नाय ई
तुमाहाल मालूम नाय का ? - १ कोरींथ ६ : ९

ओ शिनाळाहाय दुन्या दोसदारी ई देवा आरे दुसमानी हेय ई
तुमाहाल मालूम नाय का ?

याहाटी जो कादो दुन्या आरे दोस्त ओरा एअहे तो देवा
दुसमान हेय. - याकोब ४ : ४

२० ख्रिस्त राजाल आमा केहेकोय मिळूह ?

ज्या येहुदयाहाय त्यावोय बोरसो थोव्येल त्याहाल ईसूय आख्या, जर तुमा मा वोचनामाय रोहा तर तुमा खोराखोर मा चेला हेता. — योहान ८ : ३१

जो आपे पाप डाकेहे त्या बोलो ओअनारा नाय पेन जो ती कोबूल कोईन सोडी देहे त्यावोय दोग्या ओअहे. — निती २८ : १३

पासे वाटे जाता जाता त्या पाअया पाही येना तोवे शांडे आख्या, देख, इही पाई हेय मान बाप्तिसमा लेयना काय ओडचाण हेय ? फिलीपे आख्या, जर तूं तो बादा मोनेकोय बोरसो थोवतोहो तर तुये बाप्तिसमा लेवा. — प्रेशीत ८ : ३६-३७

तेबी तुमा बोरसो दोआ नाय काहाका तुमा मा मेंडाहामान्या नाय. मा मेंडे मा बोली वोनातेहे एन आय त्याहाल वोळखुहू एन त्ये मा पाहाला येतेहे. एन आय त्याहाल जोलामजुग्या जिवन दाहू एन त्याहा कोवेबी नाश ओअनारा नाय. एन कादो त्याहाल मा आथामाने आसडीन काडी लेनारो नाय. — योहान १० : २६-२८

एन या कारणावोने ये दुखे सोसुहू तेरी आय लाजवायू नाय. काहाका माये ज्यावोय बोरसो थोव्योहो तो मान मालूम हेय. एन मान बोरसो हेय का, तो मा ठेव त्या दिहाहुदू सांबाळा गोतिवान हेय. — २ तिमथी १ : १२

२२ नोवो जोनमो ओअहे तोवे आमा देवा सेवा कोराहाटी मोकळा हेय

काहाका जी तुये देख्या एन वोनायोहो त्या बोदाल तूं नादा
माअहा आगाडी त्या पुरावो ओअहे. — प्रेशीत २२ : १५

एन पापापाने सुटी जायन तुमा सोतीपोणा गुलाम जायाहा.
— रोम ६ : १८

पेन आमी तुमे पापापाने सुटका जायली हेय एन तुमा देवा
गुलाम जायला हेय तोवे तुमाहाल चोखापोणा फोळ मिळी रोयोहा
त्या शेवाट तर जुलामजुग्यो जिवन हेय. — रोम ६ : २२

नोवो जोनमो जायो आमी आय कूं हेय ! २३

ज्या पापी त्याहाल देवराजा वोतन मिळनारा नाय ई तुमाहाल मालूम नाय का ? ठोगायाहा मा शिनाळी कोअनारा, मुरत्येहे पागे पोडनारा थेअये रोका शिनाळी कोआडनारा, ओदमी ओदम्याहा आरे हुवनारा (शिनाळी) चोर, होरो पिनारा, चुगल्यो कोअनारा, लाच खानारा, याहाल देवराजा वोतन मिळनारा नाय. एन तुमाहामाय कोलाक तोहोडा आता, तेरी तुमा मालेच ईसू नावामाय एन आपे देवा आत्मामाय दोवला, चोखा कोअला एन सोती ठोरावला हेता.

-१ कोरींथ ६ : ९-११

ओ आबा जेहेकोय तूं मायेमाय एन आय तुयेमाय तेहेकोय त्याहाय वी आपाहामाय योक ओअवा. - योहान १७ : २१

... तुमे बी आमे आरे हांगात ओअवा आमे हांगात तर
आबहाआरे एन त्या पोहो ईसू ख्रिस्त याआरे हेय. — १ योहान १ : ३

जोवे तूं पाअयामाने जाहे तोवे आय तो आरे रोही. एन नोयेहेमाने
जाहे तोवे त्यो तुल बुडवना-यो नाय जोवे तूं आग्येमाने चालतो जाहे
तोवे तूं बोळनारो नाय. जाळ तूल बुजालनारी नाय.

— येशया ४३ : २

देवा मोंदीरा मुरत्ये आरे केहेकोय मेळ बोहोरी आपा ते
जिवता देवा मोंदीर हेजे देवे एहेकोय आखला हेय का आय त्या
माज वोहोती कोअही एन त्याहा माज चालीही. एन आय त्याहा देव
ओअही एन त्या मा लोक ओरी.

— २ कोरींथ ६ : १६

ख्रिस्ता आरे खोरो बोरसो थोवनाराहा नाता २५

तोदिही तुमा वोळखाहा का, आय मा आबाहामाय हेय एन तुमा मायेमाय हेता एन आय तुमाहामाय हेय. – योहान १४ : २०

याहाटी तुमा जायन बादा देशाहामाने लोकाहाल चेला कोआ. आबाहा, पोहा एन चोखा आत्मा नावामाय त्याहाल बाप्तिसमा दा. ज्षो काय गोठी माये तुमाहाल उकूम देयन आख्योहो त्यो बादयो पाळा, त्याहाल हिकाडा एन देखा काळ पारवाय तांवहुडू आय बादा दिही तुमे आरे हेय. आमेन. – मोताय २८ : ९९-२०

आत्मा एन वोवडी आखतेहे : “ ये ” ... – प्रगटी २२ : १७

देवे दुन्यावौय ओली मोया कोअयी का त्येय त्या योकन योक पोहो देनो याहाटी का जो कादो त्यावोय बोरसो थोवी त्या नाण ओए नाय पेन त्याल जोला मजूग्यो जिवन मिळी. - योहान ३ : १६

बोरमेहेर दोयाळू एन मोयाळू हेय एन तो रोगवानामाय दिरो एन पोया कोअनामाय उतवाळयो हेय. - गीत (स्तोत्र) १०३ : ८

जेहेकोय दोरत्ये उपे जूग जोलो उचे हेय तेहेकोय तोली त्या दोया त्या दाक दोअनाराहावोय खूब ह्य. - गीत (स्तोत्र) १०३ : ११

आपाहाल देवा पोहे ई नाव मिळय यापाय आबेहे आपाहाल कोला मोये दान देनोहा ती देखा. — १ योहान ३ : १

जो कादो जिकेहे त्याल ये गोठयेहे वेते न मिळी एन आय त्या देव ओअही एन तो मा पोहो ओरी. — प्रगटी २१ : ७

जर (देवा) पोहे हेय तर वारसबो हेय म्हणजे देवा वारीस एन ख्रिस्ता आरे वारीस हेय. त्या आरे मानयानामायबो जावा याहाटी जर आपा त्याआरे दूख सोसजेहे तोवेज तेहेकोय हेजे.

— रोम ८ : १७

२८ देवा मोरजी ई हेय का आमा देवा हारके ओअवा

आमाहाल ते मालूम हेय का; देवावोय मोया कोअनारे म्हणजे ज्ये त्या योजने पुरमाने हादले हेते त्याहा फायदा हाटी बादयो गोठी मिळीन काम कोअनायो ओअत्योहो. काहाका ज्याहाल त्येयपोअला वोळखेल त्याहाय त्या पोहा हारके ओरा त्येय त्याहाल आगला नेमलेन याहाटी का खूब बाहाहामाय तो जेठो ओए.

— रोम ८ : २८-२९

तोवे ईसूय आख्या का जो आबा याहाल माफी कोओ; काहाका त्या काय कोअताहा ई त्याहाल मालूम नाय. — लूक २३ : २४

ईसूय पासा त्याहाल आख्या, तुमाहाल शांती रोई. जेहेकोय आबेहें मान दोवाडला हेय तेहेकोय आय बी तुमाहाज दोवाडूहू.

— योहान २० : २१

जो कादो मायेपाय येहे एन मा वोचने वोनायन त्या पुरमाने कोअहे तो कादायोका हारको हेय. ई आय तुमाहाल देखाडुहू तो कादा योका गुऊ बांदनारा हारको हेय. त्येय उंड खोदीन खोडकावोय पायो बांदयो पासे पूर येनो पाअया ओहाडो त्या गोआवोय ठोकायो तेरो त्येकोय ती आल्या नाय काहाका ती हारा बादला आता.

— लूक ६ : ४७-४८

याहाटी का देव जो आपे राजामाय एन मानपानामाय तुमाहाल हादेहे त्याल सोबे एहेकोय तुमाहाय चालवा. — घेस १ : १२

याहाटी तुमा जेहेकोय तुमे होरगामान्यो आबोहो पुरो हेय तेहेकोय तुमा पुरा ओअवा.

— मोताय ५ : ४८

तुमे तारण दोयेकोयज बोरसा एहेने जायला हेय ई तुमे आथेकोका जायाहा नाय तर ई देवा दान हैय. कादे ओबिमान दाअवा नाय त्याहाटो कामे कोअले कोय ई जयाहा नाय.

आमाहाय तर हारे कामे कोराहाटी ईसू ख्रिस्तामाय उचबारामाय आअले त्या कारागीन्ये काम हेय. त्ये हारे कामे देवे आगला याहाटी योजना कोई थोवले आते का आमा त्याहमाय चालवा.

— इफिस २ : ८-९

तर आमी आमा जी मागजेहे नायते विचार कोमळेहे त्या कोअता जो आमाहामाय काम कोअनान्ये गोत्येमापेकोय खूब जास्ती कोरा गोतीवान हेय त्याल जोलामजूग बादये पिडयेहुदू मोंडळयेमाय एन ख्रिस्त ईसू माय मानपान ओए आमेन.

— इफिस ३ : २०-२१

एन ती सा कसी ईज हेय का देवे आपाहाल जोलानजुग्या जिवन देनला हेय. एन ती जिवन त्या पोहामाय हेय.

— १ योहान ५ : ११

ज्यें त्या पोहालबी राखीते थोव्या नाय तर आपे बादाहाहाटी त्याल देय टाक्यो तो त्या आरे आपहाल बादयो गोठी काहा देनारा नाय ?

— रोम ८ : ३२

काहाका जेहेको योका आंगामायखुव बांगहेता तेरी त्या बादा बागहा-योक्ज काम नाय. तेहेकोय आपा खूब जाआ रोईन ख्रिस्तामाय योक आग एन आपा बादा जाआयोक बिजा बाग हेजे.

— रोम १२ : ४, ५

जो जीत मिळवेहे त्याल आय मा राजगादयेवोय मा उंग्येहें बोहा दिही. माये बी तेहेकोय जीत मिळवीन मा आबाहा उंग्येहे त्या राज गादयेवीय बोठोहो. — प्रगठी ३ : २१

जो जोत मिळवेहे त्याल यो गोठी वारसेकोय वोतन मिळी आय त्या देव ओअही एन तो मा पोहो ओरो. — प्रगटी २१ : ७

जो जीत मिळवेहे त्याल आय मा देवा मोंदीरामाने खांब कोअही तो तापने कोयदिही बी बारा जानारो नाय. त्यावोय मा देवा नाव एन मा देवा सेअर जी नोवा येरूशलेम होरगामाने मा देवापाने उतेहे त्या नाव एन मा नोवानाव लिखीही. — प्रगटी ३ : १२

याहाटी तुमा दुन्या दोनदौलात बोदाल बोरसेदार नाय जाया तर जी खोरी दोनदौलात तो तुमाहाल कूं होपी दो ?

— लूक १६ : ११

तुमा दोरत्येवोय जा उदाडा एत गोंज नाश कोभतेहे जा चोर गुऊ फोडीन चोरी कोअताहा ता तुमा दोन दौलात टोळवाहा (हाटवा) मा. नेर जूगामाय जा उदाडा नायते गोंज नाश कोएत नाय एन जा चोर गोए फोडेत नाय एन चोरी बी कोएत नाय ता तुमा तुमेहाटी दोनदौलात टोळवा. (हाटवा) काहाका जा तुमे दोन दौलात ता तुमे मोन बी रोनाश.

— मोताय ६ : १९-२१

आमी आय तुमाहाल देवा एसे एन त्या दोये वोचना एसे होपी दाहू. ती वोचन तुमे वाद कोराहाटी एन चोखा कोजला बादा लोकाहामाय तुमाहाल वोतन हा गोत्येवाळा हेय. - प्रेशीत २० : ३२

तुमे जिवन जो ख्रिस्त तो जोवे यी तोवे तुमा बी त्याआरे मोठापीणामाय जाहा. - कलसै ३ : ४

त्येय आपाहाल उजाळामाने चोखा लोकाहा वोतना बागीदार ओराजोग कोअयाहा, त्या आबाहा उपकारा आठवण तुमहाय कोअवा. त्येय आपाहाल आंदारा ओदिकारा माने वाचाडीन त्या लाडका पोहा राजमाय आय थोव्याहा. - कलसै १ : १२-१३

आय देवा हेय ते खुशी हेय

३५

मालकामाय बादे वेळे खुशी रोआ आय पासो आखुहू खुशा
रोअ. - फिलपे ४ : ४

पेन बुतडे तुमे ताबामाय रोतेहे याखुशी मानाहा मा पेन तुमे
नावे होरगामाय लिखले हेते याहाटी खुशी माना. - लूक १० : २०

ओ सोती लोकाहाय तुमा पोरमेहेरामाय खुश्ये सोण वाळा, ओ
नीट मोना लोकाहाय तुमा बादा खुश्येकोय बोबला. - गीत ३२ : ११

तुयेमाय आसरो लेनारो त्या बादा खुशी ओए. त्या सोदा
खुश्येकोय बोंबलेत काहाका तूं त्याहा सांबाळ कोअताहो एन ज्याहाल
तो नाव गोमेहे त्या तुयेमाय खुश्येकोय जयजयकार कोए.

- गीत ५ : ११

पेन जो या विरुद पाप कोअहे त्या जिवा नुकसान कोअहे, ज्या
मा विरुद हेता त्याहाल मोत गोमेहे. — निती ८ : ३६

हाकडा बाआमाने माज जाआहाटी खुब खोटपोट कोआ.
काहाका आय तुमाहाल आखुह खुब लोक माज जा एरी पेन त्या
माज जाय सोकनारा नाय, योकदा गोआ मालके उठीन गोआ बाआ
बोंद कोअया म्हणजे तुमा बारा उबा रोईन बाआ ठोकता रोईन
आखाहा; ओ मालका आमेहाटी उगाड; तोवे तो तुमाहाल जोबाव
देयन आखी तुमा ते केसल्या हेता ई मान पालूम नाय.

राजा वाची आय कूं ?

३७

जो त्यावोय (ख्रिस्त) बोरसो थोवेहे त्या न्याय ओअनारो नाय जो बोरसो थोवे नाय त्या न्याय जायलोज हेय. काहाका त्येय देवा योकन योक पोहा नावावोय बोरसो थोव्यो नाय.

— योहान ३ : १८

जो मा नाकार कोअहे एन मा वोचनाहावोय बोरसो थोवे नाय त्या न्याय कोरा कादो योक हेय जी वोचेन आय बोल्योहो तीज शेवाटला दिही त्या न्याय कोरी.

— योहान १२ : ४८

देवे त्या योकन योक पोहाल दुन्यामाय दोवाडलो हेय याहाटी का आपा त्या एसेने जीववां यावोने देवा आमेवोरी मोया देखायेहे.

— १ योहान ४ : ९

३८ आग्ये दो-यामाय जानारो बिन ओकल्यो हेय

बिनओकल्या माअहू आपे मोनामाय आखेहे, देव नाय देय.....

— गीत ५३ : १

एन जो कादो या मा होबाद वोनायन त्या पुरमाने कोए नाय तो योका बिन ओकल्या माअहा हारको हेय. त्येय त्या गोओ रेटावोय बांदया. पासे पाई पोडयो पुर येनो वारा बी सुटया एन ती त्या गोआल लाग्या तोवे ती पोडया एन बादा मुटी गोया.

— मोताय ७ : २६-२७

तोवे मालके त्याल आख्या तुमा पोरुशी थाळीवाटी बारने साफ राखताहा पेन तुमे मोन लुटयेकोय एन खाराब गोठयेहे कोय बोअलो हेय; ओ बिनओकल्याहाय ज्ये बारी बाजू बोनाडीही त्येज माजली बाजू बी बोनाडीही का नाय ?

— लूक ११ : ३९-४०

बोरसो नाय थोवनारा हाटी आग्येदोऱ्यो हेय ३९

माअहा पोहो त्या दुताहाल दोवाडी एन त्या त्या राजामाने
बादा पाप कोआडनाराहाल एन खाराब कामे कोआनाराहाल टोळो
कोरी एन त्या त्याहाल आग्ये बाठयेमाय टाकी. तां रोडना एन दात
कोकडावना चाली. - मोताय १३ : ४१-४२

एन त्ये पीडे (आग एन गोंद्रीक) दुकाळां (दुकला)
जोलामजुग उचे चोडता रोहे. एन ज्ये खाराब जोनावोराल एन त्या
मुरत्येल पागे पोडतेहे त्याहाल एन जो कादो त्या नावा निशाणी कोई
लेहे त्याल रात दिही विहोवा मिळे नाय. - प्रगटी १४ : ११

एन माये योक देवदूत होरगामाने उततो देख्यौ. त्यापाय खुबूज उंडा खाडा (खाचडो) कुची आती एन त्या आथामाय खूब मोठी हाकळ आती त्ये ओडगार जो जुनी हाप काळयोबुत त्याल दोअया एन ओजार वोरहाहुदू कोंडाहाटी त्याल बांदयो एन त्याल उंडा खांडामाय टाकीन बांद कोअयो एन त्याउपे त्येय शिक्को ठोक्यो याहाटी का ओजार वीरेहे पुरे ओए तावहुदू त्येय देशाहाल पासी ठोगाडवा नाय. एन त्या पासे त्याल थोडो वेळ सोडा जोजे.

—प्रगटी २० : १-३

एन ज्ये त्या हाल ठोगाडला आता तो काळयोबुत आग्ये दोन्यामाय जा खाराब जोनावर एन खोटो बोविश्यवादी हेय ता टाकी देनो एन त्ये रात दिही जोलामजूग पिडा बोगवी. —प्रगटी २० : ७, १०

देवा का काळयाबुता सेवा कोअना आमीज निवाड कोआ ४१

त्याहाय आंदारामाने निगीन उजवाडा एहे; काळयाबुता ओदिकारामाने निगीन देवा एहे फिरवा याहाटी तुमे त्याहा डोळा उगाडवा ती एहेकोय का मावो-या पापाहा माफो त्याहाल मिळे एन चोखा जायलाहामाय वीतन मिळे. — प्रेसीत २६ : १८

कादाल बेन दोण्याहा चाकरी कोअता येय नाय. काहाका योका तो एवो कोरी एन बिहीरावोय मोया कोरी नायते तो योकाल दोई रोई एन बिहीराल विरुद कोरी. तुमाहाल देवा एन दोना सेवा कोअता येय नाय. — मोताय ६ : २४

ईसूय त्याहाल जोबाव देनो, आय तुमाहाल नोकी आखूह का जो कादो पाप कोअहे तो पापा गुलाम हेय. — योहान ८ : ३४

ईसूय त्येल जोबाव देयंन आख्या, देवा दान तुल होमजाता एन पाई दे एहेकोय तूल आखनारो कूं हेय ई तुल होमजाता तर तूं त्यापाय मागती एन तो तूल जिवता पाई देतो. — योहान ४ : १०

पासे सोणा सेवाटला मोठा दिहा दिही ईसूय उबो रोयन मोठे आख्या जर कादो पिहयो ओरी तर ह्ये माये पाय येयन पिवा.
—योहान ७ : ३७

काहाका राजगादये आदवीस रोनारो मेंडो त्याहाल चारी एन जिवना पाअया जिरपापाय त्याहाल लेय जाय एन देव त्याहा डोळासने बादे आहावे नूही टाकी. — उलगडो (प्रगटी) ७ : १७

तर तुमा पोयला त्या राज एन त्या सोतीपोणा मिळवा
खोटपोट कोआ म्हणजे त्या आरे योबी बादयो मोठयो तुमाहाल
मिळी. — मोताय ६ : ३३

आजू आय तुमाहाल आखुहू मागा म्हणजे तुमाहाल देवामाय
यी, होदा म्हणजे तुमाहाल सापडो. ठोका म्हणजे तुमेहाटी
उगाडवामाय यी. — लूक ११ : ९

ज्ये मावोय मोया कोअतेहे त्याहावोय आय मोया कोअहू एन
ज्ये मोनापाने मान होदतेहे त्याहाल आय सापडुहूं. — निती ८ : १७

तोवे माअहां पोहा निसाणी जुगामाय देखायो. पासो दोरत्ये वो-या बादे जात्या लोक दुख कोरी. त्या माअहा पोहाल जुगामान्या वादळावोय बोहीन मोठये गोत्येकोय एन मोठा मानपानाकोय येतो देखी.

— योंहान १४ : ३

एन मालेक ईसू ख्रिस्ते आख्या तुमे हाटी जागो तियार कोईन आंय पासो यिही एन तुमाहाल माये पांय लिही. याहाटी का, जा आय हेय तां तुमहाव बी रोववां.

— उलगावो (प्रगटी) ३ : ११

आंय माहार याहु कादो तुमे मुगूट लेय नांय त्याहाटी जी तो हेय ती पाको दोई रो.

— रोम ६ : २३

पापा मोजरी मोत हेय, पेन देवा मांये दान आपे मालेक ईसू
ख्रिस्तामाय जोलामजुग्या जीवन हेय. — योहान ५ : २४

आंय तुमाहाल नोक्की आखुहूं, जो मा वोचेन वोनायेहे एन ज्यें
मान दोवाडयोहो त्यावोय बोरसो थोवेहे त्याल जोलामजुग्या जी०न
मिळला हेय. एन त्यावोय त्याय ओअना वेळ येनारी नांय. तो
मोरणामाने जिवनामाय त्येंपार गोयोहो.

जोलामजुग्या जिवन ईज हेय का, त्याहाय जो तूं योकूज
खोरी देव त्या तुल एन ज्याल तुयें दोवाडयोहो त्या ईसू
ख्रिस्ताल वोळाखवा — योहान १७ : ३

... .. ये आय तूल वोवडी (मोंडळी) मेंडा (ख्रिस्ता) थेए देखाडूहू. तोवे त्येयमान आत्मामाय मोठा एन उचा डोगावोय लेय गोयो एन चोखो सेअर, येरूशलेम देवापाने होरगामाने उतता मान देखाडया त्यामाय देवा उजवाळा आता. एन त्यामाय मोंदीर देखया नाय काहाका मालेक खूब गोत्येवाळो देव एन मेंडो ईज त्या मोंदीर हेय. एन त्या सेअरामाय दिहा नायते चांदा उजवाळो पोडा गोरज नाय आती. काहाका देवा उजवाडेकोय बोआलो आतो एन मेंडो त्या उजवाडो हेय. बादा देश त्या उजवाळामाय चाली.

तो राज येय, जेहैकोय होरगामाय तेहेकोय दोरत्येवोय बी तो
मोरग्ये पुरमाने ओए. - मोताय ६ : १०

ज्ये मोना गोरीब त्ये सुखी हेव काहाका त्याहाल दोरत्ये वोतन
मिळी. - मोताय ५ : ५

पोयला पासा उठनामाय ज्याल बाग हेय तो सुखी एन चोखो
हेट, त्यावोय बिहीरा मोरणा ओदिकार नाय; तर त्या देवा एन
ख्रिस्ता याजक ओरी एन त्या आरे ओजार बोरेहे राज कोरी.

- प्रगटी २० : ६

मा देवा ओ राजा आय तो मोठेपोणा गीत आखीही एन आय जोलामजुग तो नावा स्तुती कोअही. — गीत १४५ : १

ओ गा आबा मा ओहोडी मोरजी हेय का; ज्या तुये मान देनला हेता त्याहाय बी जां आय हेय ता माये पाय रोववां. याहाटी का जो मा मोठेपोणा तुयेमान देनला हेय तो त्याहाय एअवा. — योहान १७ : २४

एन या आगला रातरोनारी नाय त्याहाल दिवा एन दिहा उजवाडा गोरज लागनारी नाय. काहाका मालक देव त्याहावोय उजवाडा पाडी एन त्या जोलामजुग राज कोरी. — प्रगटी २२ : ५

जो जात मिळवेहे त्याल आय मा राजगादयेवोय मापाही बोह
 दिही. माये तेहेकोय जीत मिळवीन मा अबाहा पाही त्याज
 राज गादयेवोय बोठोहो. - प्रगटी ३ : २१

होख्यो राजा

होरग्यो देव ईसू राजा ।	ओजारो दुखये हारे कोअये ।
आमाहाल तारा येनोरा बाया धू	बुतडे तांगाडी काडये रा बाया ।३।।
भरीयम पेटे जोन्मो लेदो ।	हुळीवे वोडी मोई गोयो ।
डोगराहा गोठो गोम्मो रा बाया।।१।।	पापाहा डोंड बोअयो रा बाया ।।४।।
गावेहें गावेहे फिरीन तुये ।	मोई जायन पासो जिवतो जायो ।
जिवना गोठयो आख्या रा बाया।।२।।	होरगे चोडी गोयो रा बाया ।।५।।

